

## GÎTAGOVINDAS

### LATINE CONVERSUS.

I.

i Nubilis nigrescit aer, atrae sunt regiones silvestres Tamâlis arboribus, 1.  
noctu pavescit ille; tu quidem, o Râdha, age, in hanc domum comitare eum. «  
2 Ita iussa a Nanda Râdha Mâdhavam ad arborem umbraculi, semitae vicini, con-  
venit, indeque in ripa Yamunae exsultant amores eorum arcani.

Cuius mentem, parietem veluti picturis, variegavit rebus a se gerendis 2.  
eloquentiae Dea; qui imperatoris instar orbem regit saltatorum Padmâvatidos  
cultum ecelebrantium: is, vates Jayadêvas, condit hoc opus, quod almi Vâsudêvae  
amatorios lusus narratione complectitur.

Si recordatione Haris gaudet mens tua, si deliciae tibi sunt illecebrarum 3.  
moduli: tum ausculta Suadae Jayadêvae, suaves, molles, blandos pedes nectenti.

Orationes floridulas condit *Umâpatidharas*, elegantias sermonis serendi cal- 4.  
let *Jayadêvas* quidem; *Çaranas* laudatur ob facilitatem obscure dicendi. Qui  
magistro *Gôvardhanae* aemulatur in dispositione argumentorum eximiorum, amore  
conspicuum, homo minime cluet; *Dhôyin*, qui auditum occupat, rex est orbis  
poetarum.

Qui in undis cataclysmi Veda indefesse tenuisti, navis adminiculum quasi Cant. 1.  
eis subministrans, o Kêçava, qui piscis formam induisti, euoe, Hares, domine 5.  
mundi.

Constitit terra in dorso tuo longe latissimo, quod ob telluris portationem 6.  
in orbem tuberum extumuit, o Kêçava, qui testudinis formam induisti, euoe,  
Hares, mundi domine.

In cacumine dentium aduncorum inhaerens innixa est tellus, sicuti maculosa 7.